

188

PROTOKOL O SARADNJI

u okviru projekta

„Besplatne sterilizacije i kastracije napuštenih pasa i drugih pasa u Tuzlanskom kantonu“

Zaključen dana 24.02.2017 godine

Između:

Fondacije tuzlanske zajednice (u daljem tekstu FTZ)
Zastupano po JAŠAREVIĆ JASNI, izvršnoj direktorici FTZ
Adresa Pozorišna broj 13, Tuzla

!

Općina Doboj Istok

Zastupano po Bećirović Enesu, pomoćnik Općinskog načelnika za prostorno uređenje
Adresa Klokočnica bb

1. Svrha

Ovim protokolom se utvrđuju prava i obaveze između potpisnika FTZ i Općine Doboj Istok, radi pružanja podrške u provođenju akcije sterilizacije/kastracije pasa na području općine Doboj Istok.

U cilju trajnog i humanog rješavanja problema pasa lualica FTZ i Općina Doboj Istok saglasni su da podrže aktivnosti vezane za sterilizaciju/kastraciju pasa, koje će se obavljati na human način i u skladu sa Zakonom o zaštiti i dobrobiti životinja BiH, kao i drugim lokalnim zakonima i EU standardima.

FTZ će u saradnji sa Fondacijom Dogs Trust, a u cilju sveobuhvatnog, sistemskog i trajnog rješenja problema pasa lualica, pružiti tehničku i finansijsku podršku kako bi se, u okviru programa masovne sterilizacije/kastracije uličnih pasa na području TK kastriralo, odnosno steriliziralo oko 80% populacije napuštenih pasa. Metoda „uhvati, steriliši, vakciniši, označi i vrati“, koja će biti korištena tokom programa, je u skladu sa Zakonom o zaštiti i dobrobiti životinja BiH.

Sporazumne strane su saglasne da projekat otpočne sa realizacijom 03. aprila 2017. godine i da u ovom obimu traje do 31. jula 2017. godine, sa mogućnošću produženja i nastavka saradnje, posebno za proširenje akcije besplatnih sterilizacija/kastracija na vlasničke pse.

2. Odgovornosti i nadležnosti

FTZ će kroz partnerstvo i podršku od strane Fondacije Dogs Trust iz Velike Britanije, odnosno njegovog predstavništva u Sarajevu:

- osigurati tehničku, savjetodavnu i finansijsku podršku za veterinarske usluge sterilizacije/ kastracije pasa, kao i prateće usluge (mikročipovanje, čišćenje od parazita, vakcinacija protiv bjesnila, mikročipiranje i stavljanje ušne markice i aplikaciju ušne tetovaže, te unošenje podataka u bazu podataka sterilisanih pasa Fondacije Dogs Trust);

- razviti i finansirati informativnu i medijsku kampanju za promociju Programa
- u svojim objavama za javnost FTZ će promovirati Općinu Doboj Istok u svjetlu otvorenosti za saradnju u kampanji besplatne kastracije i sterilizacije pasa lotalica, a kasnije i vlasničkih pasa;
- sarađivati sa sekretarima/predstavnicima mjesnih zajednica u identificiranju lokacija ključnih za kampanje masovnih sterilizacija pasa lotalica, te kasnije i u informiranju i edukaciji vlasnika pasa;
- nakon završetka kampanje, Općini Doboj Istok osigurati izvještaje o sterilisanim psima na teritoriji općine, što uključuje i podatke o psima koji su unešeni u elektronsku bazu podataka Dogs Trust-a.

Općina Doboj Istok će:


- poslati pismeni nalog sekretarima/predstavnicima mjesnih zajednica za dostupnost i otvorenost u saradnji sa FTZ na ovom projektu;
- obezbjediti spisak mjesnih zajednica sa imenima i kontakt telefonom sekretara/predstavnika mjesnih zajednica;
- pružiti informacije u vezi žarišnih zona pasa lotalica;
- osigurati dio slobodnog prostora za oglašavanje kampanje na oglasnim mjestima u općini, mjesnim zajednicama, biltenima, te web stranici Općine Doboj Istok, TV i radio stanicama s kojima Općina Doboj Istok ima posebne ugovore;
- Pružiti i i ostale korisne informacije u vezi ovog projekta koji će se provoditi u skladu sa Zakonom o zaštiti i dobrobiti životinja BiH.

Strane potpisnice protokola o saradnji zadržavaju pravo jednostranog raskida istog u slučaju kršenja odredbi Zakona o zaštiti i dobrobiti životinja BiH, s tim da su dužne najkasnije 7 (sedam) dana ranije, pismenim putem, obavijestiti drugu stranu o razlozima raskidanja istog.

Protokol o saradnji je sačinjen u 2 (dva) istovjetna primjerka, od kojih svaka strana zadržava po 1 (jedan) primjerak.

FONDACIJA TUZLANSKE ZAJEDNICE

Jasna Jašarević
 Jasna Jašarević, izvršna direktorica
 22/17
 24.02.2017



Doboj Istok, 24.02.2017. godine

OPĆINA DOBOJ ISTOK
Enes Bećirović
 Bećirović Enes, pomoćnik načelnika
 23-2

